

# He paremata mā ngā kaituku whēkau ora

**Ki te tuku whēkau koe (he tākihi, he wāhanga rānei o tō ate) i Aotearoa, ka whiwhi paremata pea koe mō ō moni whiwhi tāhapa i a koe e whakamāui ana.**

Nā te paremata e wātea ana i raro i te Ture Compensation for Live Organ Donors, kāore koe e mate ki te whakamahi i ō whakamatuatanga ā-tau, māuiui rānei engari rawa mēnā me roa ake tō whakatā mai i te mahi i te 12-wiki, te wā e kapi ai i te Ture.

## Te āhei atu ki te paremata mā ngā kaituku whēkau ora

I mua i tō tuku whēkau he maha ō whakamātautau hei whakarite he tika tēnei momo hāparapara ki a koe. I tō whakaūnga hei kaituku whēkau ora e te rōpū hauora, ka āhei koe ki te tono paremata kaituku whēkau ora.

Kia āhei ai ki tēnei paremata:

- me mātua tāhapa ō moni whiwhi i a koe e whakamāui ana mai i tō tuku whēkau
- me mātua āhei atu te tangata ka whiwhi i tō whēkau ki ngā ratonga hauora utu tūmatanui i Aotearoa
- me mātua whakahaere te hāparapara kaituku whēkau ora ki Aotearoa.

## E wātea ana he paremata

Mēnā ka whakaaehia tō tono paremata, ka utua koe i ia wiki mai i te rā o tō hāparapara, ā, atu ki te 12 wiki i a koe e whakamāui ana. Ka utua koe e te Manatū Hauora ngā paremata mā ngā kaituku whēkau ora i raro i te Compensation for Live Organ Donors Act 2016. Kei te nui o ō moni whiwhi te rahinga o tō utu, ahakoa he kaimahi koe, mahi ā-kiri, kaupupurihea, kei tāwāhi e noho ana, te whiwhi penihana rānei me te moni whiwhi tāpiri, ko te mea kē me ū koe ki ngā paearu i runga ake. Me tuku whakaaturanga koe mō ō moni whiwhi.

Mēnā kei tāwāhi koe e noho ana, ā, ka haere mai koe ki Aotearoa noho ai ki te tuku whēkau, ka utua anake koe ki te paremata mai i te rā o tō hāparapara me te wā e whakamāui ana koe i Aotearoa.

## Te tono mō te paremata

Mēnā e hiahia ana koe ki te whiwhi paremata mō ngā moni whiwhi tāhapa i a koe e whakamāui ana mai i te hāparapara, me kōrero atu koe ki tō kaitakawaenga kaituku. Ka kōrero ia ki a koe mō te tukanga o te paremata i a koe e whakamātautauhia ana hei kaituku. Ka taea anō koe te āwhina e ia me tō tono mēnā ka tono koe.

Mō ētahi atu mōhiohio, haere ki [www.health.govt.nz/liveorgandonation](http://www.health.govt.nz/liveorgandonation), waea atu rānei ki te Manatū Hauora i: 0800 855 066

# Te hiko mā ngā kaituku whēkau ora


Ka āhei ahu ki te tuku i taku tākihi, he wāhanga rānei o taku ate?



Mēnā ka whakatau koe ki te tuku i tētahi tākihi, he wāhanga rānei o tō ate, me **waea atu koe ki te Manatū Hauora i te tuatahi mō ngā mōhiohio anō mō:**




He maha ngā whakamātautau i a koe ki te whiriwhiri mēnā e tika ana te hāparapara kaituku mōu. Mō ngā whakamātautau mātanga ka hiahia koe (arā, i tua atu i ngā whakamātautau i te taiwhanga, mai i tō rata rānei), **ka āhei atu koe ki Ngā Āwhina Haerenga ā-Motu hei āwhina me ētahi utu haerenga, wāhi noho hoki/rānei.**



Ina oti ngā whakamātautau, ā, kua whakaūtia kei te ōrite koe mō te kaiwhiwhi, ka whiwhi koe i tētahi rā kua whakaritea mō tō hāparapara.

Ka taea e te kaitakawaenga Āwhina Haerenga ā-Motu koe te āwhina i tō hōhipera ki te whakarite i a koe mō tēnei.

## Ōrite



Ka āhei pea koe ki te whiwhi paremata mō ō moni whiwhi tāhapa i a koe e whakamāui ake mai i te hāparapara mai i te Manatū Hauora. Ka taea e tō kaitakawaenga kaituku koe te āwhina me tēnei.

Ina whakaritea he rā hāparapara, ka taea e koe te tuku i tō pepa Application for Loss of Earnings ki te Manatū Hauora, me ngā whakaaturanga o te rahinga o ō moni whiwhi tāhapa. Ka whiriwhiria e te Manatū Hauora e hia te paremata ka whiwhi koe.

## Tukutanga

### Kua reri ki te mahi!

Ka tukuna e te hōhipera he tiwhikete hauora mō ngā utunga hei utu. **Kotahi te utunga paremata a te Manatū Hauora i ia wiki i a koe e whakamāui ake.**

Ka taea e koe te hoki ki te mahi ina reri ana koe. Mēnā nō mua tēnei i te rā kei tō tiwhikete hauora, me **wawe te whakamōhio atu ki te Manatū Hauora** kia pai ai te whakamutu i ō utunga.

Ina hoki koe ki te mahi, ka mutu ngā utunga paremata.

### Kāore i te reri ki te mahi!



Mēnā kāore koe i te reri ki te hoki ki te mahi engari kua mōnehu tō tiwhikete hauora, me kōrero atu koe ki tō mātanga hauora kia whakaroahia ake. Me mātua wawe tō tuku i te tiwhikete hauora hou ki te Manatū Hauora kia haere tonu ai ngā utunga.

Ka whiwhi koe i tētahi tiwhikete hauora anō, ā, ka haere tonu ngā utunga (atu ki te 12 wiki i te nui rawa).